

فن سابع



ماجد ساوي

ماجد ساوي

مرمي ثلاثين فشقة لا وباق
 ما غير يزرع في لقايه فراقي
 وهو يطلع بكوني على الغيم راق
 غيره تعاليم الجفا والتلاقي
 مع انه لغيري من الخمر ساق
 مع كل خطوة ينولد احتراقي
 مهزوم يا اللي بفزعتك كنت هاق
 كافر صلاته مقتلي واشتياقي
 ابهلت راعي وضيعتني نياقي
 لاجلكم كم بنيت ابياتي وكسرت ساق
 صدري فياض سود وقلبي شقاي
 اسقيته انا الموت ودمه مراقي

روح ترفرف والجسد ينضح بدم
 الله يسلم واحد ما يسلم
 ترك سمايه حايره ما تكلم
 نسيت اقول انه من الحسن علم
 ابساله ليش البصر يشربه سم
 ركضت من حزني على شاطي الدم
 راياتي البيضا على كل معلم
 الكون كنه واحد ما هو مسلم
 العيد مر وما بعد مرني هم
 ناديتكم باشعار وكم
 باعلن رحيلي عنكم والحزن تم
 ان مت قولي ما قدر يشرب السم

ماجد ساوي

مشكورة بكبر جرح تركتيه
 تاكدي هالطفل اللي قتلتيه
 يحز بالشاعر وتنزف معانيه
 اقول الفراق وتقولين وشفيه
 وهذا انا يدميني الليل وادميه
 كلمة احبك عليك وانتي علكتيه
 عقارب تملي دروب من التيه
 ابيعهن بريال والشاري اهديه
 تذبل مواني وتبدد شواطيه
 !! اسندت عقلي اتعبتني خطاويه
 استوطن البحار هايح منافيه

مشكورة بكثر ما راح مني
 بيزور قبره كل عذر سكاني
 حفنة اكاذيب وصدق كل ظني
 ما نفترق انا الوصل هو فني
 النهر الاحمر اخره هالتمني
 لو حن كافر ما اظنك تحني
 لو ذكرياتك بس تحل عني
 قصيدة بك ما سمعتها مني
 والنورس يغني على كتف جني
 والقلب ماني مسنده كيف اغني
 اعلن شرع الحب ورياح جني

ماجد ساوي

جرح جديد وتلبس النفس عزة
يعني تقل ما كنت تعطي معزة
من غرزة جروحك لسبعين غرزة
اشواق رغبة اشتياق وفزة
اشواق واشواق وتتركك (عزة)
يامضرج بدمك ولا انت حمزة
ما تبت تسوي من الجوع خبزة
كوكبك من نيران والنور جزة
يثور شعر يشبه البزر رزه
الشعر اخر مملكة لك وعزه
لوحة طفل زعلان بكل حزة
الله للي كل ريح تهزه
لا لا تغير تره شيطان وزه
ياللي تزعل هات قلبي واحزه
هاتي غيومك تنزع النفس عزة

وش عاد لاصارت جروحك من احباب
وتاخذ على وجهك من الناس تراب
اصدقهن اللي صدقك فيه كذاب
واقع جدار ويحطب الشوق حطاب
قلب مطشر الف عصفور وغراب
ليه المعارك وانت لاسيف ولا نشاب
وتبنيك ابراج مواعيد الاسراب
خل الظلام يثور بوجه الاغراب
الدم الاسود فيه كحل للاهداب
بتاج يتوج على عرش كتاب
نهر شجر صياد سنارته ناب
ولا تنزعه لو طارت سيوف برقاب
لو يدري وش داخلك ما سكر الباب
واحطه بقبر تمره مع غياب
الارض تمشي لكن الرجل ترتاب

ماجد ساوي

صبي بليا شمس لا تطري شروق
العين ظلما والجفن فيه شقوق
اشتقت ما اشتقت احس بالشوق
قالت احبك قلت مشكورة ياذوق
زادت طعونك يازمن يكفي فتوق
كل يشيل الكذب ويصير مصدوق
يادنيتي ريشك ابي منه للنوق

نسيم كنه زمهرير بشارع
ويدين ليلى ناقصة خمس اصابع
شي يشل القلب ويحرق مدامع
يعني على يديك موت المرابع
ما يثبت الورد بوسط هالمواجه
ويصعد على المنبر من يجاب رابع
دام الكتابة صايرة فن سابع

ماجد ساوي

قال الشجر كينا وانا اشوف صفصاف
فتان حسنه خايفِ حسنه يشاف
ليته تبسم صاحبي يابو نواف
هذا الزمان المر علمني القاف
سود الليالي كنها ضو كشاف
ان نمت مرتاحٍ انا مابي خلاف

هزيتيه وطاح العنب عند رجلي
من عقب شوفه كن هالقلب مجلي
يشفع له انه جنن الناس قبلي
جرعني جنوني ولا فاد عقلي
منخال ينخل بالمخاليق نخلي
لو تحترق هالارض ما تزل رجلي

ديوان - ماجد ساوي

• فَنُّ سَابِعٍ
• مَخْلُوقٌ
• تَدَانِيمٌ
• عَلَيْنَهَا السَّلَامُ
• أَطْلَانُ سَلَمِيٍّ

<http://alzaweyah.atwebpages.com>

لمخاطبة الشاعر بالامكان المراسلة على عنوان الشاعر

ماجد ساوي - الزاوية المملكة العربية السعودية 9238- ابو فراس الحمداني الصالحية - عرعر 4183-73241

او عبر البريد الالكتروني

alzaweyah@gmail.com
majed-sawi@hotmail.com

معلومات اخرى

البريد الالكتروني

majed-sawi@hotmail.com

الفيسبوك

<https://www.facebook.com/majed.sawi.home>

التويتر

<https://twitter.com/MajedSawi>

الانستقرام

<https://www.instagram.com/majedsawi/>

السناب شات

majedsawi2017